

1983 թ. փետրվարի 5-ին կյանքից հեռացավ անվանի դրականագետ, բանասիրական գիտությունների դոկտոր, ՀՍՍՀ ԴԱ Մ. Արեղյանի անվան գրականության ինստիտուտի հայ հին և միջնադարյան գրականության բաժնի վարիչ Մայիս Թադևոսի Ավդալրեգյանը:



Մ. Ավդալրեգյանը ծնվել է 1918 թ. ապրիլի 5-ին, Երևանի նահանգի Իզդիր քաղաքում, ահա-նալոր պատմաբան, բանասեր, տնտեսագետ և Բարգմանիչ Թադևոս Ավդալրեգյանի ընտանիքում: 1940 թ. ավարտելով Երևանի պետական համալսարանի լեզվագրական ֆակուլտետը, Մ. Ավդալրեգյանը հայտ լեզու և գրականություն է դասավանդում Փարպի գյուղի միջնակարգ դպրոցում, իսկ 1942 թ. ընդունվում է համալսարանի ասպիրանտուրան և մեծանուն հայագետ Մ. Արեղյանի ղեկավարությամբ մասնագիտանում հայ հին և միջնադարյան գրականության բնագավառում: 1944—1947 թթ. նա աշխատում է գրականության ինստիտուտում: 1948 թ. հաշտության պաշտպանում է թեկնածուական դիսերտացիա՝ «Խաչատուր Կելառեցի» թեմայով: 1947—1953 թթ. նա դասախոսական աշխատանքի է անցնում Լենինականի Մ. Նալբանդյանի անվան մանկավարժական ինստիտուտում, ուր վարում է հայ հին գրականության պատմության դասընթացը: 1953 թ. վերադառնալով Երևան, նա նորից հաստատվում է ԳԱ գրականության ինստիտուտում: 1972 թ. Մ. Ավդալրեգյանը պաշտպանում է «Հայ գեղարվեստական

արձակի սկզբնավորումը» թեմայով դիսերտացիա և ստանում բանասիրական գիտությունների դոկտորի աստիճան: 1977 թ. մինչև իր կյանքի ավարտը նա հաջորդությամբ վարում էր ինստիտուտի հայ հին և միջնադարյան գրականության բաժնի վարիչի պաշտոնը, մեծապես նպաստելով հայագիտության այս ճյուղի զարգացմանը:

Մ. Ավդալրեգյանի գիտահետազոտական երկարամյա և արգասավոր գործունեությունը հիմնականում ընթացել է երկու ուղղություններով՝ հայ միջնադարյան գրական հուշարձանների քննական բնագրերի պատրաստում ու հրատարակում և դրանց գրականագիտական ուսումնասիրում ու զննհատում: Մասնակցելով «Էջեր հայ միջնադարյան գեղարվեստական արձակից» արժեքավոր հրատարակության (1957) աշխատանքներին, նա պատրաստել է ժողովածուում ընդգրկված առակների ու պարականոն զրույցների բնագրերն ու ծանոթագրությունները: Մ. Ավդալրեգյանը գրականագիտական ընդարձակ ուսումնասիրություններով ու ծանոթագրություններով հրապարակ է հանել նաև խաչատուր Կելառեցու (1958) և Գրիգորիս Աղթամարցու (1963) սաղերի քննական բնագրերը, որոնք «Միջնադարյան հայ տաղերգուներ» հայտնի մատենաշարի 1-ին և 6-րդ գրքերը եղան: «Հայ գեղարվեստական արձակի սկզբնավորումը» (1971), «Ճայսմատուր» ժողովածուները և նրանց պատմագրական արժեքը (1982) մենագրություններում անդրադառնալով վարք-վկայաբանական, պատմագրական, հայսմատուրային երկերի և պարականոն զրույցների քննությանը, նա դրանք արժեքավորում էր զուտ գեղարվեստական արձակի գիտակետից, ըստհայտնելով առանձին տեսակների ժանրային, կերպավորման, կառուցվածքային և ոճական մի շարք օրինաչափություններ:

Մ. Ավդալբեգյանը փորձում էր հայ գրականությունը տեսնել իր ամբողջության մեջ: Այս հայեցակետից հետազոտելով Մ. Նալբանդյանի, Հ. Թումանյանի, Ավ. Իսահակյանի, Ե. Չարենցի, Ա. Բակունցի, Դ. Դեմիրճյանի ստեղծագործական վապտակը, նա իր հոգվածներով ու զեկուցումներով հայտնաբերում և հաստատում էր ազգային հին գրականության լավագույն ավանդների յուրովի շարունակությունը նոր և սովետահայ դասականների երկերում:

Գիտահետազոտական անխոնջ գործունեությանը Մ. Ավդալբեգյանը հաջողությամբ զուգակցում էր գիտամանկավարժական աշխատանքը: Նա երկար տարիներ համատեղության կարգով դասավանդել է նաև Երևանի հեռակա մանկավարժական ինստիտուտում, աշխատել ՀՍՍՀ մանկավարժական գիտությունների գիտահետազոտական ինստիտուտում՝ մասնակցելով պարզական դասագրքերի ու ծրագրերի ստեղծման գործին:

Մ. Ավդալբեգյանը ապրեց ազնիվ կյանքով, սովետահայ գիտությանն ու լուսավորությանը ծառայելու անմնացորդ նվիրումով:

ՎԱՐԱԳ ՆԵՐՍԻՍՅԱՆ

Բանասիրական գիտությունների քեկեաժու: